

port Royal, où deffendent trois riuieres, dont il y en a vne assez grande, tirant à l'est, appelée la riuiere de l'Equille, qui est vn petit poisson de la grandeur d'vn Esplan, qui s'y pefche en quantité, cōme aussi on fait du Harang, & plusieurs autres sortes de poisson qui y sont en abondance en leurs saisons. Ceste riuiere a prés d'vn quart de lieue de large en son entree, où il y a vne isle, laquelle peut contenir demye lieue de circuit, remplie de bois ainsi que tout le reste du terroir, comme pins, sapins, pruches, bouleaux, trâbles, & quelques chesnes qui sont parmy les autres bois en petit nombre. Il y a deux entrees en ladite riuiere, l'vne du costé du nort: l'autre au su de l'isle. Celle du nort est la meilleure, où les vaisseaux peuvent mouiller l'ancre à l'abry de l'isle à 5. 6. 7. 8. & 9. brasses d'eau: mais il faut se donner garde quelques basses qui sont tenant à l'isle, & a la grand terre, fort dangereuses, si on n'a reconnu l'achenal.

Nous fusmes quelques 14. ou 15. lieux ou la mer monte, & ne va pas beaucoup plus auant dedans les terres pour porter basteaux: En ce lieu elle contient 60. pas de large, & environ brasse & demye d'eau. Le terroir de ceste riuiere est remply de force chesnes, fresnes & autres bois. De l'entree de la riuiere iusques au

C iij

PAGE OF CHAMPLAIN'S NARRATIVE, WHICH, WITH PAGE 20,
ANNOUNCES THE DISCOVERY OF PORT ROYAL.

(About two-thirds the original size).